



14. august 2021

UKA 2021/62

Inatsisartut Suleriaasianni § 36 naapertorlugu apeqquteqaat aallaavigalugu oqallinnissamik siunnersuut imaattoq matumuuna saqqummiuppara:

**Namminersorlutik Oqartussat suliffeqarfiutaanni aktieselskabini siulersuisuinut siulittaasunik toqqaasarneq pillugu oqallinnissamik siunnersuut. (Inatsisartunut ilaasortaq Jens Napātôk', Naleraq)**

Kalaallit Nunaanni Namminersorlutik Oqartussat aamma pisortat suliffeqarfiutaanni aktieselskabini anginerni, akunnattuni mikinernilu kisermaassilluni piginnituvoq<sup>1</sup>. Kisermaassilluni piginnittuunerata periarfissippaa nammineerluni suliffeqarfinni taakkunani siulersuisunut siulittaasussanik toqqaasarsinnaanera. Isumanga naapertorlugu nunarput ukiut ingerlanerini ilinniarsimallutik ilinniakkaminnik naammassinnittartunik, inuussutissarsiutitigut misilittagaqarlualersimasunik kiisalu suliffeqarfinni siulersuisuni suleqataanermik misilittagalinnik, uagut ingerlatseqatigiiffiutitsinni siulittaasutut sulinissamut piukkunnartunik toqqangassaqarlualersimassasoq qularinngilara.

Tamatumunnga ilanngullugu puigussanngilarput nunami maani inunngorsimasut alliaartorsimasullu nunamut matumunnga tunngatillugu ilisimasaat, inuiaqatigiit aqqissunneqarnerannut ineriartornerannillu ilisimasaat, minnerunngitsumillu kulturimut oqaatsinullu tunngatillugu ilisimasaat, avataaneersut pigiliussinnaanngisaat nunaqavissunit pigineqartarmata. Ilisimasat taamaattut suliffeqarfinni siulittaasunik pissutsit pitsaanerpaat aallaavigalugit nalilersuisinnaanermik periarfissiisarput, unammillernartunillu nalaataqarnermi suliffeqarfirmut inuiaqatigiinnullu naapertuuttunik aqqiissutissanik tikkuussiniarnernut tamakku qularinngilara iluaqutaasartussaasut.

Taavami sooq ilinniarsimallutik ilinniakkaminnik naammassinnittartut atorfirmullu piukkunnarluartut annertunerusumik atorniannilagut?

Pissutsit taamaanneri naapertuutinnngillunnarput, tassami 1979-iminngaanniilli Namminersorneruneg eqqunneqarmalli kalaaleq nunami ineriartoranut isiginnaartussiaannartut avataanut inissisimajuarsimanerat annertuaallaartoq, akuersarneqarsinnaanngitsoq, Naleraq isumaqarpoq. Ineriartornerlu tamanna avataaneersunit suli maannamut aqunneqarpoq. Tunngavilersorneq taamaattoq ammip qalipaataanik imaluunniit nuna allamiunik immikkoortitsiniarnermik siunertaqanngilaq, paarlattuanillu Naleraq isumaqarpoq piffissanngorsimasoq nunap inuui aallaavigalugit nuna manna piorsarneqarlunilu ineriartortinneqalissasoq, aatsaat taamaaliornikkut tamakkiisumik nunap inuui aallaavigalugit sulinerput pimoorunneqarnerulissasoq isumaqarpugut.

Suliffeqarfiit Namminersorlutik Oqartussanit pigineqartut inuiaqatigiinnut pingaarutilerujussuarnik suliaqartarput soorlu attaveqatigiinnermut pilersuinernullu tunngatillugu. Suliffeqarfiit katillugit 3.500-

---

<sup>1</sup> Royal Grenland A/S, Royal Arctic Line A/S, Visit Greenland A/S, Tele Greenland A/S, Great Greenland A/S, Boligselskabet INI A/S, NunaOil A/S, KNI A/S, Sikuki Nuuk Harbour A/S, Greenland Holding A/S, Illuut A/S, Kalaallit Airports A/S, air Greenland A/S, Oil Spill Response A/S.



# Naleraq

inik sulisoqarput, amerlanerpaartaallu Kalaallit Nunaanni sulipput. Suliffeqarfiit Namminersorlutik Oqartussanit pigineqartut Kalaallit Nunaata ineriartornerani pingaarutilerujussuurtut inissisimapput.

Tamatumunnga ilanngullugu erseqqissassavarput nunatta aningaasat kaaviaartitaat aatsaat annertusarneqarsinnaammata suliffeqarfinni aktieselskabini Namminersorlutik Oqartussanit pigineqartuni siulersuisuni siulittaasut amerlanersaat kalaallinik inuttalersorneqarpata. Oqallilluarnissassinnik kissaappassi.